



შპს თბილისის დავით აღმაშენებლის სასწავლო უნივერსიტეტი

დავით აღმაშენებლის სახელობის
სტიპენდიის დანიშვნის წესი

მუხლი 1. ზოგადი დებულებები

1. შპს თბილისის დავით აღმაშენებლის სასწავლო უნივერსიტეტი (შემდგომში - სასწავლო უნივერსიტეტი) იცავს სტუდენტთა უფლებებსა და კანონიერ ინტერესებს, უქმნის მათ უსაფრთხო გარემოს, მატერიალურ ტექნიკურ რესურსებს და სხვადასხვა სახის მხარდაჭერის სერვისებს ხარისხიანი განათლების მისაღებად. ზრუნავს სტუდენტური პროექტების განხორციელებაზე და მათი კარიერული განვითარების ხელშეწყობაზე.
2. ეს წესი განსაზღვრავს განსაკუთრებული მიღწევებითა და წარმატებებით წარმოჩენილი ბაკალავრიატისა და მაგისტრატურის სტუდენტებისათვის დავით აღმაშენებლის სახელობის სტიპენდიის (შემდეგში-სტიპენდია) მინიჭების პირობებს და პროცედურებს.
3. სტიპენდია გამიზნულია იმ ბაკალავრიატისა და მაგისტრატურის სტუდენტებისათვის, რომლებსაც აქვთ 91% და მეტი აკადემიური მოსწრება, მონაწილეობდნენ სამეცნიერო კონფერენციებში და არიან საზოგადოებრივად აქტიურები (მონაწილეობდნენ სასწავლო უნივერსიტეტის მიერ განხორციელებულ კულტურულ და სპორტულ ღონისძიებებში).
3. პირველკურსელი სტუდენტები სასტიპენდიო რეიტინგში მონაწილეობას მეორე სემესტრიდან იწყებენ პირველი სემესტრის ქულებით.
4. სტიპენდიის მინიჭებისათვის სასწავლო უნივერსიტეტში იქმნება კომისია.

მუხლი 2. დავით აღმაშენებლის სახელობის სტიპენდია

1. სტიპენდია ენიჭებათ განსაკუთრებული მიღწევებითა და წარმატებებით წარმოჩენილ ბაკალავრიატისა და მაგისტრატურის სტუდენტებს (შემდეგში-სტუდენტი) ინტელექტუალური პოტენციალის განვითარებისათვის.
2. სტიპენდია წესდება მაგისტრატურის სტუდენტისათვის თვეში 150 ლარის ოდენობით, ხოლო ბაკალავრიატის სტუდენტისათვის თვეში 120 ლარის ოდენობით. სტიპენდიანტებს სტიპენდია ეძლევათ დანიშვნის დღიდან ყოველთვიურად ერთი სემესტრის განმავლობაში.
3. კომისიას უფლება აქვს სტიპენდიანტს ვადაზე ადრე მოუხსნას სტიპენდია, თუკი სტუდენტს სტატუსი შეუზღერდება ან შეუწყდება, კომისია ამ გადაწყვეტილებას იღებს ფაკულტეტის მიერ მოწოდებული ინფორმაციის საფუძველზე.

მუხლი 3. სტიპენდიის მიმნიჭებელი კომისია

1. კომისიას არანაკლებ 3 (სამი) წევრის შემადგენლობით ამტკიცებს რექტორი.
2. საჭიროების შემთხვევაში, კომისიის პერსონალურ შემადგენლობაში ცვლილებები შეაქვს რექტორს.

მუხლი 4. კომისიის მუშაობის და სტიპენდიის მინიჭების წესი

1. სტიპენდიის მისანიჭებლად სტუდენტების წარდგენის უფლება აქვთ ფაკულტეტზე არსებულ სკოლებსა და სტუდენტურ თვითმმართველობას.
2. კანდიდატის შესაბამისი დოკუმენტაცია (წარდგინება, 1 რეკომენდაცია, პირადობის მოწმობის ასლი, სტუდენტის სასწავლო ბარათი, სამეცნიერო კონფერენციებში მონაწილეობის დამადასტურებელი დოკუმენტაცია, საზოგადოებრივი აქტივობის დამადასტურებელი დოკუმენტები, სიგელები, სერტიფიკატები არსებობის შემთხვევაში) წარედგინება რექტორს, რომელიც აღნიშნულ დოკუმენტაციას გადასცემს კომისიას განსახილველად.
3. განაცხადების წარდგენის ვადას განსაზღვრავს და საჯაროდ აცხადებს (ვებ-გვერდზე) რექტორი სასწავლო წლის დასრულების შემდგომ.
4. გამოცხადებული ვადის გასვლის შემდეგ წარდგენილი განაცხადები არ განიხილება.
5. სტიპენდიის თაობაზე განცხადებას კომისია განიხილავს ახალი სასწავლო წლის დადგომამდე, კერძოდ, 10 სექტემბრამდე და გადაწყვეტილებას იღებს ფარული კენჭისყრით.
6. კომისიის სხდომა უფლებამოსილია გამოიტანოს გადაწყვეტილება სტიპენდიის მინიჭების შესახებ, თუ სხდომას ესწრება კომისიის წევრთა ნახევარზე მეტი.
7. სტიპენდიის მოსაკრებლად კანდიდატურების განხილვა მიმდინარეობს ღია წესით.
8. კომისიის წევრს უფლება აქვს მოითხოვოს სხდომაზე კანდიდატურის დასწრება ან დამატებითი ინფორმაციის მიღება.
9. კომისია სტიპენდიის მინიჭების თაობაზე გადაწყვეტილებას იღებს დამსწრე წევრთა ხმების უმრავლესობით - ფარული კენჭისყრით, ხმათა თანაბარი რაოდენობის შემთხვევაში გადაწყვეტია კომისიის თავმჯდომარის ხმა. სხდომაზე მიღებული გადაწყვეტილება ფორმდება შესაბამისი ოქმით.
10. კომისიის მიერ სტიპენდიის მინიჭების შესახებ გადაწყვეტილების მიღების შემდეგ სხდომის ოქმი წარედგინება რექტორს.
11. სტიპენდიის დანიშვნა ხორციელდება რექტორის ბრძანებით.

მუხლი 5. ცვლილებებისა და დამატებების შეტანის წესი

წინამდებარე წესში ცვლილებების და/ან დამატებების შეტანა ხორციელდება დადგენილი წესით.